

豫章

叢

書

第二四五冊

西南民族學

張

華

英

書

卷一百一十五

宣春張氏
所著書二
種

劉逢源



笑東正座圖
書館校刻

宜春張氏所箸書一種總目

芑山集二十三卷

据家藏原稿本

綱目續麟三卷

据徐氏鈔本

芭山文集

丁卯冬月
辛酉歲

芭山文集序

奪鬼神之機與發天地之精英兼善之功在一世歟
善之功在萬世是蓋有天焉而非以人已之見與其
問者也嗚呼天有定乎無定乎善言天者不以人之
天亂其思易其守而於已之天植其本濬其源古聖
賢遭時顛躓究竟已之天已亦不得而主之者矣然
惟其不得而主所以已之權益力而其爲主愈尊孔
子萬世師昔人謂孟氏之功不在禹下假令柄於魯
用於齊東周願遂平治功成世固爲文武成康之世
已烏能刪定贊修正人心距楊墨俾堯舜禹湯文周

之道續聞知之統於勿替哉嗚呼厄運使然乎抑亦
斯文之幸也他若屈原之沈楚賈董之黜漢史遷之
極刑噫文之爲禍酷已所可悼者孔明抱匪躬之節
而不爛將略前後出師表歿有餘榮其間姦雄篡竊
崇虛滅禮雖格調適逸焉用文爲士君子不幸而生
盜僞之世若柴桑文中者文未竟志是則可哀也已
漢唐以來醇維互見獨文公磨礱濯菝於榛莽中毅
然舉孔氏之道揭日月而行中天觀其諫佛骨表宣
諭王庭湊知勇俱備起衰濟溺旨哉斯言陸贄忠鯁
之氣舒爲文采剗切詳略適暗主卒致播遷然是

時淄青將士聞詔泣下文亦何負於國哉宋之老泉
挾策走京師皇皇上天子宰相所著衡論權書振武
整邊蓋憂宋室之不競而西夏幽燕犄角將崩潰而
莫可救譬厝火積薪之下洵不啻痛哭流涕言之而
富歐韓范諸賢者亦未能因文而逆其意千古知洵
文者惟某獨耳濂洛關閩之學接踵而興當時爲僞
學後代有真儒嗚呼彼一時相斥爲僞學者伊何人
哉孔聖不能辭知罪萬世自有真是非循流溯源猶
今視昔孔之喪家孟之好辯漢宋之黨人之僞學羣
起而驅之禁錮之刈艾之網盡之而後愉快嗚呼彼

一時相從而驅之禁錮之刈艾之網盡之而後愉快者伊何人哉吾因是益重有感矣余讀宋史至靖康建炎諸遺蹟未嘗不廢書流涕存亡呼吸前車覆敗如宋以李伯紀之神謀碩畫而旋舉旋擯任一恇懦褊衷忌悍疎庸之張浚三倚長城予其如宋何如天下何哉余讀先生集乃雜舉古今人物得失以相衡較齒殘固弗屑其大者數則而已以余觀先生蓋自命爲知人論世者也先生衡較古今人不少阿讀先生自傳自祭自撰墓誌銘噫先生之心亦良苦矣先生十科報罷固曰有命然言求合道文期無疚於心

稍拂意輒擲卷出闈不返顧寧失科名毋爲倖售憶
是時科第震耳目鑽穴狡營從風而靡致徑竇叢開
名節掃地侮聖賢叛君父驕妻子嚇鄉國者肩摩轂
屬也其於人之賢不肖爲何如也先生聲聞遍天下
掇一第如登天不可謂非先生之不幸然不幸而有
大幸者存其間抑余所爲憑弔先生而孑然慶慰先
生於地下者也蠱之上九曰高尙遜之上九曰肥遯
先生際蠱微遜其誰歸先生上不負天子下不負所
學指畫天下事條分縷析然大廈將崩一木難支苟
出而用世欲求如陸敬輿李伯紀之遭時奔竄萬不

可得睢陽紹烈哉而先生之以一第殉身豈非以一第之幸而徼大不幸於天下後世如詩人所謂維谷興悲者非耶噫嘻陸李之時可爲而不得爲先生之時無可爲而一以靳其爲於前一以堅其爲於後謂非斯文之若或使尼陰移而默相之也哉余故歷觀古聖賢之天操得主不得主之說以爲先生之文序俾異日讀先生之文者有所觀感焉康熙丙寅臘月望日江左後學俞王爵序

自序

張子少介立長壯出交天下士後先論著盈篋笥間
發視之大者關國家興除利病次則證據經傳折衷
諸家同異不阿又家世厄困罕藏書文亡所師法雖
諷諭幽憤恥爲世屈往往與古合故不忍輒淪棄甲
申避地葛川感時撫事嘗刪取舊文授梓梓未訖庚
寅里居方輯次舊簡綴爲完書自傷三十年間與道
進退卒顛躓至此空言何補哉一夕仰天拂帽舉凡
未梓者悉焚去存若干卷藏于家仍署芑山文集非
自謂文足傳亦猶仲尼曰文莫吾猶人也云爾且以

見介立厄困如子論著彫落志義益磐然厯危殆不
稍變士可不自勉哉雖然當時嗜子文者白搢紳迄
四方同學諸子蓋衆非不必盡阿所好然知己僅十
數人而止之十數人者或齋志歿或逋竄飢飭數千
萬里外與子生訣不相見欲如鄉者遊從宴笑日講
求有用不可得安往而與知己遇哉是非俟諸後世
可也

芑山文集目錄 俞王簡定本

卷之一 與古人書一

與韓退之論同異書

與韓退之論捕賊刑賞書

與韓退之論柳侯求祀書

與柳子厚論刑賞書

與劉復愚論秦焚書書

與司馬君實論責善書

與司馬君實論從命書

與蘇明允論諫法書

與蘇子瞻論秦始皇書

與蘇子瞻論封建郡縣書

與蘇子瞻論倡勇敢書

與蘇子由論解語孟書

與歐陽永叔論性書

與王介甫論顏子書

與曾子固論揚雄書

卷之二 與古人書二

與程伯淳論儒釋書

與程伯淳論仕學書